

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 04/1-23- 5- 5621 /17
Bihać, 13.12.2017. godine

Na osnovu člana 52. stav 1. tačka b) Statuta Grada Bihaća (“Službeni glasnik Grada Bihaća”, broj: 13/15) i člana 183. tačka 2. Poslovnika Gradskog vijeća (“Službeni glasnik Grada Bihaća” broj: 03/16), Gradonačelnik u svojstvu predlagača propisa i drugih akata

O d r e đ u j e

Izvjestioca: dr.sci. Zlatan Čizmić, na sjednici Gradskog vijeća i radnim tijelima po prijedlogu tačke dnevnog reda:

Prijedlog Zaključka o davanju saglasnosti na tarifni sistem i cijene individualne komunalne potrošnje snabdijevanja vodom za piće, odvodnje i prečišćavanja otpadnih voda

Gradonačelnik
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK
**Služba za komunalne djelatnosti, vode,
zaštitu okoliša i inspeksijske poslove**

Broj: 04/1-23-5- 5621 /17
Bihać, 13.12.2017. godine

Predmet : Prijedlog Zaključka o davanju saglasnosti na tarifni sistem i cijene individualne komunalne potrošnje snabdijevanja vodom za piće, odvodnje i prečišćavanja otpadnih voda, dostavlja se

Na osnovu člana 52. tačka a) Statuta Grada Bihaća ("Službeni glasnik Grada Bihaća" broj 13/15), dostavljamo vam na razmatranje Prijedlog Zaključka o davanju saglasnosti na tarifni sistem i cijene individualne komunalne potrošnje snabdijevanja vodom za piće, odvodnje i prečišćavanja otpadnih voda.

Pravni osnov za donošenje:

Pravni osnov za donošenje Zaključka o davanju saglasnosti na tarifni sistem i cijene individualne komunalne potrošnje snabdijevanja vodom za piće, odvodnje i prečišćavanja otpadnih voda sadržan je:

- u članu 34. stav 2. Zakona o komunalnim djelatnostima ("Službeni glasnik Unsko-sanskog kantona", br. 4/11, 11/11, 6/12 i 13/12), kojim je propisano da se cijena komunalnih proizvoda i usluga koju utvrdi davalac usluge ne može primjenjivati bez prethodne saglasnosti Općinskog vijeća,

- u članu 9. Odluke o načinu formiranja cijena proizvoda i usluga individualne komunalne potrošnje ("Službeni glasnik općine Bihać" broj: 08/13), kojim je propisano da Općinsko vijeće, na prijedlog Općinskog načelnika, daje saglasnost na cijene komunalnih proizvoda i usluga individualne komunalne potrošnje prema tarifnom sistemu,

- u članu 28. Odluke o snabdijevanju pitkom vodom na području Općine Bihać („Službeni glasnik Općine Bihać“, broj: 8/13) kojim je propisano da visinu cijene za isporučenu pitku vodu utvrđuje davalac usluge uz prethodnu saglasnost Općinskog vijeća

- u članu 54. Odluke o odvodnji i prečišćavanju otpadnih voda („Službeni glasnik Općine Bihać“, broj: 7/13) kojim je određeno da visinu naknade za korištenje sistema javne kanalizacije utvrđuje davalac usluge uz prethodnu suglasnost Općinskog vijeća.

- u članu 35. tačka c) Statuta Grada Bihaća („Službeni glasnik Grada Bihaća” broj 13/15), kojim je propisano da Gradsko vijeće, u okviru svog samoupravnog djelokruga, donosi odluke i druge opće akte kojima uređuje pitanja iz samoupravnog djelokruga Grada.

Razlozi donošenja:

Nakon izgradnje novog sistema za odvodnju i prečišćavanje otpadnih voda u okviru KfW projekta kao i samog postrojenja za prečišćavanje otpadnih voda, te dugogodišnjeg negativnog trenda poslovanja Preduzeća, u cilju postizanja uravnoteženog finansijskog poslovanja JP „Vodovod“ d.o.o. Bihać, konsultant SachsenWasser je zajedno sa JP „Vodovod“ d.o.o. Bihać uradio finansijski model identifikacije tarifa potrebnih za pokriće svih relevantnih troškova na osnovu socijalne priuštivosti. Finansijski model pokazuje potrebu JP „Vodovod“ d.o.o. Bihać za pravilnim upravljanjem i održavanjem vodovodnog i kanalizacionog sistema, uključujući i potrebe novoizgrađenog postrojenja za prečišćavanje voda (PPOV).

Snabdijevanje pitkom vodom i odvodnja otpadnih voda:

Iz Izvještaja o radu i poslovanju JP „Vodovod“ d.o.o. Bihać za 2016. ali i 2015. i 2014. godinu koji su upućivani Osnivaču na usvajanje odnosno davanje saglasnosti vidljivo je da su operativni prihodi nedostadni za pokriće operativnih rashoda, tako da je JP „Vodovod“ d.o.o. Bihać u 2016. godini ostvarilo gubitak u iznosu od 194.412,57 KM, u 2015. godine u iznosu od 341.549,47 KM, a u 2014. godini u iznosu od 692.953,77 KM.

Kada su u pitanju prihodi proteklih godina, iz istih izvještaja je vidljivo da su npr. sve vrste prihoda (od snabdijevanja vodom za piće, odvodnje otpadnih voda kao i ostali poslovni prihodi) u 2016. godini u laganom padu u odnosu na 2015. godinu. Prihodi ostvareni u 2016. godinu su 4.666,693 KM, a u 2015. godini su 4.880.869 KM.

U proteklom periodu Preduzeće nije imalo značajnih investicija, niti značajnih ulaganja u sistem vodosnabdijevanja i odvodnje otpadnih voda. Upravo iz razloga nedostatka finansijskih sredstava. Preduzeće upravlja sa 736 km vodovodne i 94 km kanalizacione mreže čija je prosječna starost 30 godina. Preduzeće raspolaže sa jednom cisternom za vodu i dvije cisterne za crpljenje kanalizacije čija je godina proizvodnje 1996.

Dalje, u narednom periodu, a u skladu sa Planom poslovanja za tekuću i narednu godinu Preduzeće bi trebalo uložiti značajna novčana sredstva u vodovodnu i kanalizacionu mrežu koja su amortizovana preko 80%, što je pokazatelj da su investicije hitno potrebne. Nova ulaganja su potrebna posebno sa ciljem smanjenja gubitaka pitke vode iz mreže, koji trenutno iznose oko 52% (od oko 6.500.000 m³ proizvedene vode, 3.500.000 m³ istekne kroz stare cijevi u zemlju, dakle ne bude isporučena korisnicima). Također je potrebna izgradnja novih rezervoarskih objekata i prepumpnih stanica. Poseban akcenat se već dugi niz godina stavlja

na uvođenje pojedinačnih mjernih uređaja u objekte kolektivnog stanovanja, što također zahtjeva dodatna finansijska sredstva.

Odvodnja i prečišćavanje otpadnih voda:

Projektom “Odvodnje i prečišćavanja otpadnih voda Bihaća” koji je finansiran od strane Njemačke razvojne banke (KfW) grad Bihać je dobio dodatnih 42 km kanalizacione mreže i Postrojenje za prečišćavanje otpadnih voda (PPOV).

Izgradnja PPOV-a je započela 2015. godine, a počela je sa radom 21. aprila 2017.godine. Predajom PPOV-a JP “Vodovod” d.o.o. Bihać na upravljanje, predajom novoizgrađene kanalizacione mreže na održavanje JP “Vodovod” d.o.o. Bihać će dobiti dodatne troškove održavanja. Troškovi se odnose posebno na troškove električne energije koji za samo postrojenje iznose oko 20.000 KM mjesečno, troškove zaposlenih i hemikalije potrebne za rad postrojenja, kao i troškove održavanja kanalizacione mreže ionako u teškoj finansijskoj situaciji Preduzeće ne može uspješno snositi troškove rada novog Postrojenja i održavanja kanalizacione mreže.

Radi razumjevanja i davanja konkretnih pokazatelja u narednoj tabeli dajemo projekciju poslovnih rashoda samog PPOV-a za period 2017. do 2022.godine. Projekcija je sačinjena od strane konsultanta u ovom projektu Sachsen Wasser, Leipzig na bazi procjene i iskustva, jer operativni podaci još uvijek nisu do kraja poznati i trebaju biti riješeni u narednom periodu. Ovo se prije svega tiče načina zbrinjavanja mulja koji je značajna stavka u troškovima.

	2017	2018	2019	2020	2021	2022
Cijena materijala	404.217	508.473	511.284	514.103	516.930	519.766
Troškovi proizvodnje	79.840	189.109	302.986	308.719	314.554	320.491
Amortizacija	0	344.975	344.975	1.070.775	1070.775	1.070.775
Troškovi zaposlenih	206.647	386.081	391.100	396.575	402.127	407.757
Nematerijalni troškovi		2.500	2.500	2.500	2.500	2.500
Ukupno	693.204	1.431.137	1.552.845	2.292.673	2.306.886	2.321.289

Slijedi da će poslovni rashodi Preduzeća u 2018. godini značajno porasti. Dakle, bez usklađivanja cijene usluge odvodnje i prečišćavanja otpadnih voda, preuzimanje i uspješno održavanje kanalizacione mreže i Postrojenja neće biti moguće.

Predložena tarifa:

Fizička lica	2011-2017	2018
Naknada za održavanje mjernog instrumenta KM/mjesečno.	1,50	2,50
Isporuka vode za piće KM/m ³	0,94	1,35
Odvodnja i prečišćavanje otpadnih voda KM/m ³	0,25	0,65
Pravna lica	2011-2017	2018
Naknada za održavanje mjernog instrumenta Ø ≤ 50 mm KM/mjesečno	2,00	2,50
Naknada za održavanje mjernog instrumenta 50 mm < Ø ≤ 80 mm KM/mjesečno	10,00	25,00
Naknada za održavanje mjernog instrumenta 80 mm < Ø KM/mjesečno	20,00	40,00
Isporuka vode za piće KM/m ³	1,70	1,90
Odvodnja i prečišćavanje otpadnih voda KM/m ³	0,38	0,70

Izračunom od strane konsultanta Sachsen Wasser koji se je koristio službenim dokumentima i to :

“Popisom stanovništva, domaćinstava i stanova u BiH”, objavljenog na stranici Agencije za statistiku BiH, juni 2016.godine;

“Socio-ekonomskim pokazateljima u opštinama u F BiH”, izdan od strane Federalnog zavoda za programiranje razvoja, april 2016.godine;

“Opšteg kolektivnog ugovora za teritoriju F BiH” (Sl.glasnik F BiH” broj 48/16);

došlo se do podatka da će u slučaju predloženog povećanja prosječan račun za vodu i kanalizaciju po domaćinstvu iznositi 28,04 KM, te da se u skladu sa najboljom međunarodnom praksom takav račun smatra prihvatljivim.

Treba ipak uzeti u obzir da postoje domaćinstva u Gradu Bihaću čija su primanja daleko niža od prosječnih mjesečnih primanja, te da je u vezi sa takvim korisnicima potpisan Ugovor o pružanju javnih usluga kojim se je Grad Bihać obavezao subvencionirati troškove vode za piće od 3 – 5m³ po osobi. Listu socijalno ugroženih korisnika sastavlja JU “Centar za socijalni rad”, Bihać.

Detaljne kalkulacije kojim se došlo do iznosa iz predložene tarife su u materijalu “Prikupljanje i prečišćavanja otpadnih voda – Izvještaj prilagođavanja tarife” iz augusta 2017.godine izrađenu od strane konsultanta Sachsen Wasser.

Treba napomenuti da je zadnje usklađivanje cijena komunalnih usluga izvršeno u novembru 2011. godine.

Obzirom na gore izloženo predlažemo Gradskom vijeću usvajanje dostavljenog Prijedloga Zaključka o davanju saglasnosti na tarifni sistem i cijene individualne komunalne potrošnje snabdijevanja vodom za piće, odvodnje i prečišćavanja otpadnih voda.

Finansijska sredstva

Za realizaciju ovog prijedloga nisu potrebna finansijska sredstva.

Obrađivač:

Fatima Pečenković, dipl. prav.

Silva Tomljenović Grgić, dipl. ing. građ.

Prilozi:

- Prijedlog Zaključka o davanju saglasnosti na tarifni sistem i cijene individualne komunalne potrošnje snabdijevanja vodom za piće, odvodnje i prečišćavanja otpadnih voda
- Akt JP “Vodovod” d.o.o. Bihać broj: 01-3177/17 od 30.11.2017.godine
- “Prikupljanje i prečišćavanja otpadnih voda – Izvještaj prilagođavanja tarife” iz augusta 2017.godine izrađenu od strane konsultanta Sachsen Wasser
- Zaključak Nadzornog odbora JP „Vodovod“ d.o.o. Bihać broj: 01-3260-1 od 12.12.2017. godine
- Odluka Skupštine Društva broj: 01-3261-2/17 od 12.12.2017. godine
- Zaključak o davanju saglasnosti na tarifni sistem i cijene individualne komunalne potrošnje snabdijevanja vodom za piće i odvodnje otpadnih voda („Službeni glasnik Općine Bihać“, broj 12/11)

Gradonačelnik
Šuhret Fazlić



JP „Vodovod“ d.o.o. Bihac

Ivana Frane Jukića 13, 77000 Bihac, Bosna i Hercegovina
Općinski sud u Bihacu –Matični broj subjekta upisa : 1 – 5083 - 00
Identifikacijski broj: 4263372080006 PDV broj: 263372080006
Web adresa: www.vodovod-bihac.ba e-mail: vodovod@vodovod-bihac.ba
Telefon: +387 37 318-250 / +387 37 318-257 Fax: +387 37 350-614



Broj : 01-_____/17

Datum : 30.11.2017.godine

Grad Bihac
Služba za komunalne djelatnosti, vode,
zaštitu okoliša i inspeksijske poslove

Predmet : Zahtjev za formiranje cijena – veza Vaš akt broj 04/1-34-5621/17
od dana 24.08.2017.godine;

Dana 24.08.2017.godine predali smo zahtjev za formiranje novih cijena komunalnih usluga.
U vezi sa traženjem koje ste naveli u svom aktu broj 04/1-34-5621/17 od dana
24.08.2017.godine vršimo dopunu Zahtjeva.

Pravni osnov za donošenje novog Zaključka o davanju saglasnosti na tarifni sistem i cijene
individualne komunalne potrošnje snabdjevanja vodom za piće, odvodnje i prečišćavanja
otpadnih voda jesu :

- odredbe Zakona o komunalnim djelatnostima USK-a (Sl.glasnik USK-a broj 4/11 i 13/12), član 34. stav.2. kojim je propisano da cijene komunalnih proizvoda i usluga koju je utvrdio davalac komunalne usluge se ne može primjenjivati bez prethodne saglasnosti općinskog, sada gradskog vijeća.
- Odredbe Odluke o načinu formiranja cijena komunalnih proizvoda i usluga individualne komunalne potrošnje (Sl.glasnik Općine Bihac broj 8/13), član 8. kojim je propisano da davalac usluga nadležnoj službi za komunalne djelatnosti dostavlja zahtjev za formiranje cijena i član 9. kojim je propisano da općinsko (gradsko) vijeće daje saglasnost na cijene komunalnih proizvoda i usluga individualne komunalne potrošnje, a na prijedlog općinskog načelnika (gradonačelnika).
- Odredbe Odluke o odvodnji i prečišćavanju otpadnih voda na području općine Bihac (Sl.glasnik Općine Bihac broj 7/13), član 56. stav.2. kojim je propisano da će nakon izgradnje i početka korištenja postrojenja za prečišćavanje otpadnih voda, naknada za pruženu uslugu sadržavati i naknadu za prečišćavanje otpadnih voda.

Razlozi donošenja:

Nakon izgradnje novog sistema za odvodnju i prečišćavanje otpadnih voda u okviru Kfw projekta kao i samog postrojenja za prečišćavanje otpadnih voda, te dugogodišnjeg negativnog trenda poslovanja Preduzeća, a u cilju postizanja uravnoteženog finansijskog poslovanja JP „Vodovod“ d.o.o. Bihac, konsultant SachsenWasser je zajedno sa JP „Vodovod“ d.o.o. Bihac uradio finansijski model identifikacije tarifa potrebnih za pokriće svih relevantnih troškova na osnovu socijalne priuštivosti. Finansijski model pokazuje

potrebu JP "Vodovod" d.o.o. Bihać za pravilnim upravljanjem i održavanjem vodovodnog i kanalizacionog sistema, uključujući i potrebe novoizgrađenog postrojenja za prečišćavanje voda (PPOV).

Snabdjevanje pitkom vodom i odvodnja otpadnih voda:

Iz Izvještaja o radu i poslovanju JP „Vodovod“ d.o.o. Bihać za 2016. ali i 2015. i 2014. godinu koji su upućivani Osnivaču na usvajanje odnosno davanje saglasnosti vidljivo je da su operativni prihodi nedostadni za pokriće operativnih rashoda, tako da je JP „Vodovod“ d.o.o. Bihać u 2016. godinu ostvarilo gubitak u iznosu od 194.412,57KM, u 2015. godine u iznosu od 341.549,47KM, a u 2014. godini u iznosu od 692.953,77KM.

Kada su u pitanju prihodi proteklih godina, iz istih izvještaja je vidljivo da su npr. sve vrste prihoda (od snabdjevanja vodom za piće, odvodnje otpadnih voda kao i ostali poslovni prihodi) u 2016. godini u laganom padu u odnosu na 2015. godinu. Prihodi ostvareni u 2016. godinu su 4.666,693KM, a u 2015. godinu su 4.880.869KM.

U proteklom periodu Preduzeće nije imalo značajnih investicija, niti značajnih ulaganja u sistem vodosnabdjevanja i odvodnje otpadnih voda. Upravo iz razloga nedostatka finansijskih sredstava. Preduzeće upravlja sa 736 km vodovodne i 94 km kanalizacione mreže čija je prosječna starost 30 godina. Preduzeće raspolaže sa jednom cisternom za vodu i dvije cisterne za crpljenje kanalizacije čija je godina proizvodnje 1996. Nastavak ovakvog poslovanja bi predstavljao značajan rizik za budućnost Preduzeća, te bi nas doveo do uvođenja nepopularnih mjera za naše Korisnike, kao što su redukcija u snabdjevanju korisnika vodom i „sarajevskog“ scenarija koji danas odvija u glavnom gradu naše države.

Dalje, u narednom periodu, a u skladu sa Planom poslovanja za tekuću i narednu godinu Preduzeće bi trebalo uložiti značajna novčana sredstva u vodovodnu i kanalizacionu mrežu koja su amortizovana preko 80%, što je pokazatelj da su investicije hitno potrebne. Nova ulaganja su potrebna posebno sa ciljem smanjenja gubitaka pitke vode iz mreže, koji trenutno iznose oko 52% (Od oko 6.500.000m³ proizvedene vode, 3.500.000m³ istekne kroz stare cijevi u zemlju, dakle ne bude isporučena korisnicima). Također je potrebna izgradnja novih rezervoarskih objekata i prepumpnih stanica. Poseban akcenat se već dugi niz godina stavlja na uvođenje pojedinačnih mjernih uređaja u objekte kolektivnog stanovanja, što također zahtjeva dodatna finansijska sredstva.

Treba napomenuti da je zadnje usklađivanje cijena komunalnih usluga izvršeno u novembru 2011. godine, od kada je preduzeće u dva navrata predlagalo prilagođavanje tarifa, zbog povećanja cijena goriva, električne energije i svih materijala, ali Osnivač nije reagovao na prijedloge.

Odvodnja i prečišćavanje otpadnih voda:

Projektom "Odvodnje i prečišćavanja otpadnih voda Bihaća" koji je finansiran od strane Njemačke razvojne banke (KfW) grad Bihać je dobio dodatnih 42km kanalizacione mreže i Postrojenje za prečišćavanje otpadnih voda (PPOV).

Izgradnja PPOV-a je započela 2015. godine, a počela je sa radom 21. aprila 2017. godine. Predajom PPOV-a JP "Vodovod" d.o.o. Bihać na upravljanje, predajom novoizgrađene kanalizacione mreže na održavanje JP "Vodovod" d.o.o. Bihać će dobiti dodatne troškove održavanja. Troškovi se odnose posebno na troškove električne energije koji za samo postrojenje iznose oko 20.000KM mjesečno, troškove zaposlenih i hemikalije potrebne za rad postrojenja, kao i troškove održavanja kanalizacione mreže. I onako u teškoj finansijskoj situaciji Preduzeće ne može uspješno nositi troškove rada novog Postrojenja i održavanja kanalizacione mreže.

Radi razumjevanja i davanja konkretnih pokazatelja u narednoj tabeli dajemo projekciju poslovnih rashoda samog PPOV-a za period 2017. do 2022.godine. Projekcija je sačinjena od strane konsultanta u ovom projektu Sachsen Wasser, Leipzig na bazi procjene I iskustva, jer operativni podaci još uvijek nisu do kraja poznati i trebaju biti riješeni u narednom periodu. Ovo se prije svega tiče načina zbrinjavanja mulja koji je značajna stavka u troškovima.

	2017	2018	2019	2020	2021	2022
Cijena materijala	404.217	508.473	511.284	514.103	516.930	519.766
Troškovi proizvodnje	79.840	189.109	302.986	308.719	314.554	320.491
Amortizacija	0	344.975	344.975	1.070.775	1070.775	1.070.775
Troškovi zaposlenih	206.647	386.081	391.100	396.575	402.127	407.757
Nematerijalni troškovi		2.500	2.500	2.500	2.500	2.500
Ukupno	693.204	1.431.137	1.552.845	2.292.673	2.306.886	2.321.289

Slijedi da će poslovni rashodi Preduzeća u 2018 godini značajno porasti. Dakle, bez usklađivanja cijene usluge odvodnje I prečišćavanja otpadnih voda, preuzimanje I uspješno održavanje kanalizacione mreže i Postrojenja neće biti moguće.

Predložena tarifa:

Fizička lica	2011-2017	2018 -
Naknada za održavanje mjernog mjesta KM/conn.	1,50	2,50
Voda KM/m ³	0,94	1,35
Kanalizacija KM/m ³	0,25	0,65
Pravna lica	2011-2017	2018 -
Naknada za održavanje mjernog mjesta (x<= 50mm)	2,00	2,50
Naknada za održavanje mjernog mjesta (50mm <x<= 80mm)	10,00	25,00
Naknada za održavanje mjernog mjesta (80mm<x)	20,00	40,00
Voda KM/m ³	1,70	1,90
Kanalizacija KM/m ³	0,38	0,70

Izračunom od strane konsultanta Sachsen Wasser koji se je koristio službenim dokumentima i to :

“Popisom stanovništva, domaćinstava i stanova u BiH”, objavljenog na stranici Agencije za statistiku BiH, juni 2016.godine;

“Socio-ekonomskim pokazateljima u opštinama u F BiH”, izdan od strane Federalnog zavoda za programiranje razvoja, april 2016.godine;

“Opšteg kolektivnog ugovora za teritoriju F BiH” (Sl.glasnik F BiH broj 48/16)

došlo se do podatka da će u slučaju predloženog povećanja prosječan račun za vodu i kanalizaciju po domaćinstvu iznositi 28,04KM, te da se u skladu sa najboljom međunarodnom praksom takav račun smatra prihvatljivim.

Treba ipak uzeti u obzir da postoje domaćinstva u Gradu Bihaću čija su primanja daleko niža od prosječnih mjesečnih primanja, te da je u vezi sa takvim korisnicim potpisan Ugovor o pružanju javnih usluga kojim se je Grad Bihać obavezao subvencionirati troškove vode za piće od 3 – 5m³ po osobi. Listu socijalno ugroženih korisnika sastavlja JU “ Centar za socijalni rad”, Bihać.

Radi porađenja troškova navodimo cijenu 1000 litara (1m³) vode za 1,35KM i odvodnja I prečišćavanje 1000 litara (1m³) vode za 0,65KM i cijene:

Kutija cigareta 4,00 - 5,00KM

Espreso kafa 1,00 -1,50KM

1 kruh 1,00 – 1,50KM

1 litra mlijeka 1,45KM

1 kugla sladoleda 1,00KM.

Poređenja su urađena radi stvaranja realne slike o cijeni vode za piće, koja je neophodna za život.

Detaljne kalkulacije kojim se došlo do iznosa iz predložene tarife su u materijalu “Prikupljanje i prečišćavanja otpadnih voda – Izvještaj prilagođavanja tarife” iz augusta 2017.godine, koji je također dostavljen Službi za komunalne djelatnosti, vode, zaštitu okoliša i inspeksijske poslove, Grada Bihaća.

S poštovanjem!

Direktor

Felić Damir, dipl.ing.
saob. i komunikacija

Dostaviti :

- Naslovu
- a/a
- u predmet

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za komunalne djelatnosti, vode,
zaštitu okoliša i inspeksijske poslove

Broj: 04/1-23-5-5621/17
Bihać, 13.12.2017. godine

Gradsko vijeće Bihać
- o v d j e -

Predmet: Prijedlog Zaključka o davanju saglasnosti na tarifni sistem i cijene individualne komunalne potrošnje snabdijevanja vodom za piće, odvodnje i prečišćavanja otpadnih voda stavovi i mišljenja, dostavljaju se

Skupština JP "Vodovod" d.o.o. Bihać je na sjednici održanoj dana 12.12.2017. godine, donijela Odluku o prihvatanju prijedloga usklađivanja tarife komunalnih usluga broj: 01-3261-2/17. Također i Nadzorni odbor JP „Vodovod“ d.o.o. Bihać je donio Zaključak o prihvatanju prijedloga usklađivanja tarife, cijena individualne komunalne potrošnje, snabdijevanja vodom za piće, odvodnje i prečišćavanja otpadnih voda izrađen od strane konsultanske kuće Sachsen Wasser u okviru KfW projekta br. 01-3260-1/17 od 12.12.2017. godine.

Iz detaljne kalkulacije kojom se došlo do iznosa u predloženoj tarifi u materijalu "Prikupljanje i prečišćavanja otpadnih voda – Izvještaj prilagođavanja tarife" iz augusta 2017.godine izrađenu od strane konsultanta Sachsen Wasser evidentno je da će poslovni rashodi Preduzeća u 2018. godini značajno porasti. Dakle, bez usklađivanja cijene usluge odvodnje i prečišćavanja otpadnih voda, preuzimanje i uspješno održavanje kanizacione mreže i Postrojenja neće biti moguće, u čemu se očituje opravdanost preduzeća za izmjenom postojeće tarife na predloženi način.

Navedeni materijal sačinjen je u skladu sa Metodologijom za izradu programa rada, finansijskih planova, planova poslovanja, izvještaja o radu i poslovanju i drugih informativnih materijala koji se upućuju Općinskom organu uprave i Općinskom vijeću Općine Bihać ("Službeni glasnik općine Bihać", br. 16/09).

Obrađivač akta:

Fatima Pečenković, dipl. prav.

Silva Tomljenović Grgić, dipl. ing. građ.

Dostaviti:

1. Naslovu
2. a/a

Načelnik Službe za komunalne djelatnosti, vode,
zaštitu okoliša i inspeksijske poslove
Jasmin Stambolija, dipl.pol.